

18.11.2020

UKA2020/91

**Illoqarfinni nunaqarfinnilu, immap tinittarnera ulerujussuartarneralu pillugit, angallatinut umiarsuarnullu talittarfiit qarsunneqartaleriartuinnarneri, isumannaannerusumik aaqqissuunneqarnissaat siunertaralugu, UKA2021-mut naammassereersimasussamik Naalakkersuisut pilersaarusioqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Siverth K. Heilmann, Atassut)

Inatsisartut aalajangiiffigisassaattut siunnersuut Siverth K Heilmann-ip siunnersuutaa Siumumit imaattumik oqaaseqarfigissuarput.

Siullermik qujavugut taama ittumik siunnersuuteqartoqarmat, ukiunimi kingullerni nunarsuatsinni pisartut ajunaarnersuit anorersuit soorluli sakkortuneqqusaatiinnartut, qujanartumilli nunatsinni maani allanut naleqqiullugit qajassuussinerusutut ipput naak inuianguit ikittunnguungatta eqquinerluttoqaraangat tamatsinnut sakkortoorujussuarmik sunniuteqartaraluartut.

Inuinnaasutsinni qanoq nalilersuinissaq isummernornissarlu ajornakusoorsinnaasaraluartoq taamaattoq pinngortitarsuarmi maani nunarsuup avannaarsuani najungaqartuartut nalilersuisarnerat qaangiinnangassaangunangilaq, soorlumi siunnersuuteqartup aamma siunnersuummini allassimasaani erseqqarissumik allanneqarsimasut.

Sarfap kissartup nunatta sineriaanut anngusimaalerneratigut aasakkut silaannaq kiannerusalperpoq, tamassumallu sunniutai annerusumik minnerusumillu malunnarlutillu misinnarput nunap najukkatta qanoq sananeqaateqarnera portussusia kitaaniinnera umiarsualiviullu anorimut sumut samminera peqqutaataaalluinnarlutik.

Qaammatip imissinerani taamatullu qaamanninnerani immap qaffannerusarlunilu appannerusarnera nutaarsiassaangunangilaq, nutaarsiassaanagerorli tassaangunarpoq anorersuit sakkortunerulernerini naqitsinerit sinerissamat taamatullu umiarsualivinnut anorip sammisaaniittunut mikinngittumik sunniuteqarnerluttalernerini allaat piniutit isumannaatsumik inaalitit mallit amoorartalerlugit.

Illoqarfinni nunaqarfinnilu umiarsualiveqarnikkut talittarfeqarnikkullu pissutsit siunnersuuteqartup taakkartungai assortoruminaapput, tassami ilaqarmata piaartumik iliuuseqarfiginngikkaanni sunniuteqarnerlussinnaasunik, paasilluarsinnaavarput Naalakkersuisut akissutaat aningaasallu innersuussaak kisiannili iluarsisassat nukiginnarsinnaasut iluarsinnginnissaannut akissaqanngilagut.

Taamatut naatsumik oqaaseqarluta siunnersuut itingartiinnarnagu ataatsimiititaliamut susasaqartumut innersuupparput ukiuni ullunilu tulliuttuni sillimmartaarnissaq oqaloqataaffingerusukkatsigu.

Nikkulaat Jeremiassen, Siumut